

تلفون ۱۰۹۷

امور اداره و تحریریه و اعلانات و ساثره
ایچون مدیر مسئوله مراجعت ایدلیدر .
عرفای امتک مقالات متصوفانه لرینه
جریده صوفیه نک صحیفه لری آجیدر .
درج ایدلیان اوراق اعاده ایدلز .

حجره ای صوفیه

شیمدیلک هفته ده بر نشر اولنور .

نسخه سی ۴۰ پاره در .

ابونسی : برسنه لک اعتبارله ممالک عثمانیه
ایچون بشین اولورق ۴۰ آلتی آلتی ۲۵
غروش و ممالک اجنبیه ایچون اولنایکی فرانقندر

محل اداره باب عالی جوارنده ابوالسعود
جاده سنده نجم استقبال مطبعه سی

عدد — ۹۷

تصوفی ، دینی ، اخلاقی ، ادبی ، سیاسی جریده اسلامیه در .

سنه — ۵

کونا کونایله راحت یشاسده صوکنده یدجلال و قهارینه آتی قیرار .

حجرت شریف

بسم الله الرحمن الرحيم

فاجر حقنده احادیث شریفه

یائی علیکم زمان یخیر فیه الرجل بین المعجز والفجور
فن ادرك ذلك الزمان فليحتر المعجز على الفجور .

« رواء احمد فی مسنده ونعمین عن
ابی هریره رضی الله عنه »

مأل عالیسی :

« سزه بر زمان بهت وحیرت کلیر . او وقتده کنی عجز ایله فسق
پیتده بخیر اولور . ایشته اوزمانی ادراک ایدن — صیانت ایمان ایچون —
عجزی فسق اوزرینه ترجیح واختیار ایتسون ! »

—۲—

مثل المؤمن کمثل خامته الزرع من حیث اتتها الريح کفتها
فاذا سکنت اعتدلت وکذلك المؤمن یکفأ بالبلاء و مثل الفاجر
کالارزة صماء متدلة حتی یقصهها الله اذ اشاء

« رواء الشیخان عن ابی هریره رضی الله عنه »

مأل عالیسی :

« مؤمن هنوز یتشمش حیلز اکین دالنه بکزر ، روزکارنه طرفه
اسرسه اودالی او طرفه اکر ، روزکار طور دینی وقت اودالده سکوتی محافظه
ایتدیکی کبی مؤمن ده بعضاً درلوبلا و مصیبتلرله دنیاده حضور و راحتی
قاجار ، بعضاً نائل رفاه و سعادت اولور .
فاجر ایسه سرت جام آغاجی کبی در . برمدتجک مظهر اولدینی نم

—۳—

من وقر صاحب بدعة فقد اعان علی هدم الاسلام .

« رواء الطبرانی عن عبدالله

بن بشیر رضی الله عنه »

مأل عالیسی :

« هرکیم شرعه ، نفع اسلامه مخالف بدعت احداث ایدنه بر موقع
توقیر ، بر قیمت تعظیم کویسترسه او ، اسلامی ییقمنه یاردیم ایتش
اولور . »

—۴—

انما اخاف علیکم کل منافق عليم یتکلم بالحكمة و یعمل

بالجور .

« رواء البیهقی عن عمر رضی الله عنه »

مأل عالیسی :

« بنم آنجق سزک اوزریکنزه صاقتدیغ کیمسلر چوق بیلجی
مفسدلردر . آنلر برادای فصاحت ، برشیوه خلوت ایله سویلرلر .
— سزی حیلله کلام ایله آلداتدقن صوکره — جوره ، اذایه
باشلارلر . »

—۵—

ان بین یدی الساعة کذا بین فاحذروهم .

« رواء مسلم عن جابر بن سمره رضی الله عنه »

مأل عالیسی :

« جولانکه و قایع اولان ازمان آره سنده محقق اهل هوا ، اهل
ضلال ، اهل بدعت کبی برسوری یلانخیلر پیدا اولور اویلانخیلردن
کندیکنزی ، ایمانکنزی ماقینکنز ! »

-۶-

ان بین یدی الساعة سنین خداعة یتهم فیها الامین ویؤمن فیها الخائن ویصدق فیها الکاذب ویکذب فیها الصادق ویتکلم فیها الرویضة قبل یارسول الله وما الرویضة قال السفيه ینطق فی امر العامة

« رواه الطبرانی والحاکم وابن عساکر عن عوف بن مالک الاشجعی رضی الله عنه »

مال عالیسی :

« ایدئ ازمان آراسنده شهسز برطاقم آلدادیجی ؛ عدیمل فیض سنهلر بولنور . اوفیضسز زمانلرده امین عدم امنیتله اتهام اولنور ، اهل جرات وخیانت ایسه صاحب امنیت اولور . اهل کذب وریا تصدیق ، ارباب صدق واثقا تکذیب اولنور . (رویضة) ده اولور . الکلام اولور .

اصحاب کرام طرفندن : یارسول الله (رویضة) ندر ؟ دنیلدی امور مهمه عامه حقنده سوز سویلیان سفهدر بیوردی . « صدق رسول الله اوکا قال :

محمد

تصوف

بوکله هر نه قدر غایت ساده برکله دن مشتق ایسه ده اساس اعتباریله غایت بیوک و اسلامیته مخصوص بر مسلك قویم وطریق مستقیم اولوب نظریات عقایه وملکات فکریه نتیجه سی اوله رق ال بیوک وفوق العاده مهم کشفیات ایله غایه لنور بر رتبه روحانیه عال العال در . حواس واسطه سیله ادراکی میسر اولیان دقیق معنار بعضاً اصحاب تصوفه تجلیات طریقله الهام اولنور . علوم طبیعی وریاضیه ده مهم کشفیات فصل عقل واسطه سیله موقعیت حاصل اولورسه ، بعینه معنویاتده دخی تفکر ملکه سیله بر چوق لدنیاته مظهر اولنور . تصوفده اک معتبر قوت صفوت قلندر ، قلب هر نوع عوارضدن پاک اولوب صاحبی مکارم اخلاق ایله ده متصف اولور . و علم نوریله ده جلالتورده عقلت نفوذی ایله تقویه ده اولنورسه بر چوق پرده لر آرقاسنده مستور اولان حقیقتلر تجلی ایدر .

استعید بالله « انما المؤمنون الذین اذا ذکر الله وجلت قلوبهم واذا تلیت علیهم آیاته زادتهم ایمانا »
بو آیت کریمه نک مضمون منینی ایله حصر اولمش حق مؤمنلر

اهل تصوف میانده بولنه جقدی ، زیرا ال بیوک قبلر متصوفین قلبی اولق مسلكاری ایجاباتندن ایدی . اهل تصوفک تربیه دن مقصدلری عقلی آزاد و قافی پاک ایدره رک ال بیوک شیلری مراقبه ایدر کن هیچ برجهته غفلت ایتمیوب سیلرینه دلالتلرینه انتباه بوللری کویستمکدی . تربیه انسانلرک قوه فهمیه وادراکیه لرینه فعالیت و یروب قابلیب واستعداد فطریه لرینه جلا و یرمکدن عبارتدر . اسلامیتده تصوفک اساسی شودر . فلاسفه اسلامیه نک ال بیوک رکنلری اهل تصوفدر .

برده بوصول زمانلرده میدانه چیقمش بعض محررلر مزخرفاتین محررلرینه اتباعاً جاهلان عامیانه بر معلومات فروشلق کویستدرک (تصوف اسکی شیدر اسلامیتدن مقدم دخی واردی) کبی تفوهاتده بوانیورلر ایسه ده ، اساساً اسلامیتده اولدینی کبی تصوف هیچ برمانده و هیچ برامته اولامشدر . مع التأسف عصر حاضر مزده هر حالز کبی تصوفزده سکنه دار اولدی ، تصوفده اولان علوی تعالیمک اساسی اضاعه ایتدک ، او بیوک نعمتک قیمتی تقدیر ایدمه دک . « الذین آمنوا واطمئن قلوبهم بذكر الله . الا بذكر الله تطمئن القلوب » تعالیمک صوفیه نک اساسی بوکبی نصوص قرآنییه مستند اولق ایجاب ایدر کن ، افسوس صد هزار افسوس ، عصر مزده تصوف اصحاب عطالتله مسلك اولدی . بزم دارالفنونز تکیه لر مز ایدی ، برچوق مشکلاتمز اوراده حل اولنوردی : طلبه مزه مدرسه ، درویشلر مزه ، تکیه ، خسته لر مزه شفاخانه مسافرلر مزه مهمان خانه اولوردی ، اک مقدس مقاملر مز تکیه لر مز ایدی . وقت وزمانیه بزم تکیه لر مزک اهمیت سیاسی سیده غایت بیوکدی ، وحالا بیوک اوله بیلوردی ، فقط نه اهل تصوف کندی مقاملرینک قیمتی تقدیر ایدمه بیلدی ونه ده حکومت اسلامیه رجالی بونی تقدیس ایدمه بیلور . بنجه جریده صوفیه منتسبیدنی بوجهتلری نظر اعتباره آلهرق اساسه رجوع جاره لرینی آرمالی ، ممکن اولدینی قدر ماضع لهنه ارجاع جهته سعی واقدام اتمه ایدر . یوقسه تصوف هر نوع اهمیتی ضایع ایتک اوزره در . صوکرده دن ندامت فائده یرمز .
عبدالرشید ابراهیم

فَلَسْتُمْ

وجود یتیمدی ویتیمه جکدر . فقط بوکون ولایتدن بحث ایدمه جکم ، بر محیطک فیوضات سبحانییه قبوله استعدادی اولدینی کبی ظلمت و غفلته ده غرق اولدینی تحقق ایدرسه فیاض حقیق شخص واحده